



錄四民便覽東學珠璣卷之四

冠禮切要

○文公冠禮

男子年十五至二十皆可冠。必父母無期以上喪始可行之。前期三日。主人告于祠堂。戒賓。前一日宿賓。陳設。厥明宿。與陳冠服。主人以下序立。賓至。主人迎入。升堂。賓揖。將冠者就席。為加冠巾。冠者還房。服深衣。納履。出。再加帽子。服皂衫。革帶。繫鞋。三加。幘頭。公服。革帶。納靴。執笏。若襪衫。納靴。乃醮。賓等冠者出。就款。主人以冠者見于祠堂。冠者見于尊長。乃禮賓。



冠者遂出見于卿先生及父之執友

○請冠賓啓

緬惟冠者禮之始也嘉禮之重效古者重冠故行之于廟冠之
于賓先生道高望重齒德俱尊鄉黨景仰敬修寸楮敦迎上
賓櫛髮合紒冠服加三醮詞三致冠而字之使頑兒加元服
棄幼志成順德先生其終教之矣敬掃蠅廬顛埃騶徒

○答

嘗聞二十而冠所以責成人之道蓋將責為人子為人臣為人
少者之行于其人故其禮至重也今禮久廢執事復而行之
愧生涼德敢承賓禮令即岐嶷不凡芝蘭玉樹生於庭堦今

加元服成人有德矣預賀預賀尊命敬承對使拜復

○請冠贊

生子不才將責成人之道擇賓有禮敢煩協贊之功愧以坐邀
幸而終教網維是主張是與先生行輔翼之自得之惟君子使

○答

恭惟令嗣命以成人加與後生俾之相禮惟長幼卑尊君之自
自擇若奔走先後予也敢不從命赤爾何如既頭為小相雍
雖不敏當如見大賓

○文公筭禮

女子許嫁笄母為主前期三日戒賓一日宿賓陳設厥明陳服

序立賓至主婦迎入升堂賓為將筭者加冠達房服背子乃
醮乃字乃禮賓皆如冠儀

○請筭賓啓

間之內則有云女子二十而筭觀此禮久廢茲有息女年可適
筭欲勉行之恭審孺人禮度夙閑敢不惠臨教誨小女俾得
聆聞訓少請四德三從之旨不勝幸甚

○答

妾聞閨庸流少頌姆訓愧不能為女中君子茲蒙不鄙召備筭
賓恐不足以相成禮第既成嚴命敢不勉從願此奉復

○賀人加冠

恭惟執事天賦異質爭誇冠王之姿首服榮加遂喜成人之道
其應趨賀偶值事冗敬陳薄儀聊表微忱幸勿以輕賈見罪

○答

辱蒙厚賜^{音賜也}揣分奚當第成人之道未盡三加之服濫膺卻之恐
踊不恭受之不勝惶懼謹拜頌

○賀子加冠

令嗣榮加首服禮具成人異日大魁宇內頭角崢嶸此其造端
矣芹儀表意麾入幸荷

○答

賤息謾加首服敢當成人第威儀不可盡去冠^{音冕}冕自古已行伏

賴抑而教之奚可僭蒙厚惠謹領拜謝

○賀人孫冠

恭喜令孫天成美質爭誇冠王之姿首服榮加喜遂成人之道
某當趨賀事適冗羈微物引忱弗鄙幸孔

○答

自愧小孫幼志未去三祝徒行負歉多矣忽蒙過愛佳惠下頌
肅拜登加貫心鏤骨

○賀人女笄

恭諭令愛笄服榮加夙有閨中之秀德容茂著迺多林下之風
欲盡芹獻第慙整慙聊具微儀莞入為榮

○答

文及笄庶習閨容于此日大家垂訓尚資姆誨于他時
何圖親誼過隆特辱賀言逾制厚貺適重汗顏拜領無任感

婚禮切要

○文公婚禮

男子年十六至三十女子年十四至二十身及主婚者無期以
上喪乃可成昏必先使媒氏往來通言俟女氏許之然後納
采古禮有六今從簡自議婚而下一曰納采而問名附焉次
曰納幣而請期附焉三曰親迎而奠雁繼焉則婚禮庶幾有

成矣孔氏云娶妻以婚為期故名為婚劉氏云女子二十不嫁則為非禮

○納采書式

鸞書

聘書
內封

鳳凰

回書
內封

鴛鴦

小聘書
外封

忝眷生某姓某名端肅拜啟

大徵君某號尊伯翁老大人

臺下

伏承媒議不棄寒微許以

令即某號尊媿家大人

門下

長幼令愛與舍弟長幼男為百年鴛鴦反者敢將籍貫三代年庚命名開具于左

一籍貫 隸某府某邑某都某里

一三代 曾大父某 大父某 父某 外族某氏

一年庚 某年某月某日某時生

一命名 某字某

謹具聘儀 寅書別楮此二句分作兩行寫

右締姻盟如行數單將右締姻盟分作兩平寫 時維乃作一行

皇明○○某年某月日

某頓首再拜聘書

○納采請期啟

仰承 高誼許締良緣非偶知慙銘恩無量敬占某日用訂深盟惟時月合天地之禎俾男女順陰陽之美百年佳偶五世

其昌拱候 玉音俯垂金諾

○復

辱貺 華翰來訂新盟過聽蹇修之言不棄烏羅之附在道頓
堅於一諾而姻媿實契於前緣承示佳期謹依 台命敬准
尺素庸寫寸丹

○聘儀狀式

凡儀狀不必書主婚者名

忝眷生某姓名端肅狀上

某號某姓先生尊姻家大人

閣下

○一聘儀 九禮各有多寡不同依數計品

鸞書一緘

壽帕一幅

鸞黃表裏

鴉青段匹

戒指二對

耳環一雙

先春幾封

團酥幾事

玉塵幾帖

時菓幾品

家雁四翼

剛鬚壹圈

柔毛二控

司晨四翼

司箋若干

啓篋若干

掌判利市若干

右不愧輕微專人馳貢萬冀

親慈

俯垂

鑒格

大明○○某年某月某日

眷生某再拜謹狀

○回聘書式

回書每式來書格式

忝眷生某姓名某端肅狀復

朝聘某姓某堂第幾位尊叔翁大人 翰相閣下

茲辱不鄙蒙允以

令姪某堂第幾位尊親家大人 翰學

賢國器與舍侄女為百年佳耦者適承禮聘寅具鄉籍家

譜庚名以獻

一 世居 某郡某邑某都某里 在成某坊 廟某鎮市

一 世系 曾大父某 大父某 父某 外族母某

一 天賦 某年某月某日某時生

一 定名 某

姻盟具復于前 回貢別陳于楮 此二句照來書分作兩行寫如行數單再加時

維二字做一行亦不妨

皇明○○御極某年某月日

某頓首寅便

○聘定啓

茲者伏蒙高誼許以長院淑愛既室僕之長子某生于某年某月某日吉時謹敢納問名具啓以聞者伏以乾健坤承化理運生成之妙陽倡陰和人文肇配合之名亘古如斯于今為烈恭惟

閣下閒闕名家俊造後後先之繼照而某寒微末族詩書漸續述之未能乃蒙葑菲不遺以致松蘿有托自天合好無地酌恩謹念諾既奉于千金深愧故莫將于雙璧聊通一介用效納徵伏真鴈往魚來劉范之幸姻不絕鳳飛齊合偽姜之

雅好連綿某下情較慄不勝仰祈仁慈鑒納不宣

○回儀書式

忝眷某姓名端莊狀進

某號某姓尊親家大人 臺下

○一回儀 凡各物有者 逐件開具

鸞鳳婚書 鴛鴦壽帕 鵝黃表裏 鴉青段匹

先春幾封 玉屑 篋 赤金頭袋 赤金絲環

白銀絲絡 松江青烟 銀茗馬爪 象牙兔頰

剛鬚一圈 柔毛一控 家鴈四翼

右不揣菲薄即使馳復幸乞

親仁 俯賜 鑒納

龍飛萬曆某年某月日

某頓首再拜狀復

○回聘啓

伏承尊慈不棄寒陋擇僕之長女某生于某年某月某日某時

作配賢郎茲沐問名謹具啓以復者伏以時占小春迺萬寶

大和之會陽當初復正君子道長之幾恭惟

閣下文學醞藉于三餘聲譽馳揚于四海天朝貴客百世文

宗矧門 賢郎文屋良規早成詩禮之訓小女綠窓鄙習

何能巾擲之供分揣奚宜事知俯就既堅一語安用多儀鴈

帛鸞箋誠今朝之喜色練棠竹筭恐後日之慙顏荷無齊鄭

之嫌當求秦晉之好某水鏡無任電覽有祈不宣
○過衣啓式

一引盤

禮狀壹緘

時菓幾品

一首飾

百本冠頂

紫羅蓋頭

一身章

官綠段襖

大紅段裙

右不愧輕取專人馳上聊為今愛促粧之儀

伏以赤繩繫足曾申一札之書紅箋題詩將合二家之好禮廉

奠期從鸞粧孟夏之月

十月稱孟冬非

戊寅之日

非此日當變稱惟吉

理雲鬟于子刻參家廟於寅時辛母一刻之遠永結百年之好

適所願也不亦宜乎伏冀親慈俯垂海納不宣

○回式

其禮稱呼同前

右不愧輕菲托使奉上少充回筐之儀

伏以弄土題詩數載之墨香猶潤梅邊索句小春之暖氣重催

正詠難嫁之詩忽拜及時之請謹依嚴命何敢愆期宜室宜

家伉儷百年偕老俟堂俟著絲羅五世其昌適此願今誠為

美矣伏冀親慈俯賜莞鑒不宣

○攔門致語

伏以天開地闢便有人民女嫁男婚方為夫婦茲值才子小登
科之日正當新人大車駕之時朱門深鎖夜迢迢銀燭高輝
光炯炯觀三星之在戶迓百兩之盈門喜氣雲屯歡聲雷動
閉玉閨封鎖新人少竚于堦前乘紫鳳跨彩鸞玉女暫停干
門外正所謂一夫當關萬夫莫開者是也然而官不容情私
通車馬銀河水濶全憑鴛鴦以填橋蓬島路遙也仗彩雲而
促駕若有花紅傳信息請歸洞府會神仙

○攔門請花紅詩

仙娥嫋娜下人寰咫尺榮歸洞府天今日攔門多喜色花紅利
市理宜然

○開齋門詩

良宵之子喜于歸正是歡聲合巷時况值漏催銀箭急籌門揭起莫教遲

○迎新郎詩

花燭迎郎出洞前潭潭華閣艷神仙裴航穩步藍橋路此去方

○拜天地詩

宿緣修積得成雙拜謝乾坤日月光四時萬靈皆降福夫妻永保百年長

○拜香火詩

福神香火鎮堂中資謝神祇默祐隆來歲即產麟鳳子管教舉

○夫婦交拜語

切以男遵乾道女順坤儀禮有尊卑拜無先後男先下膝女亦

沾裾雖相見之如賓效齊眉而到老可無拙句以替儀容

○進洞房詩

男才女貌兩相當銀燭高烧徹夜光敬請夫妻同舉步勿勿事氣入蘭房

○飲交盃詩

玉女朱唇飲數分盡邊微見有盃痕仙郎故意留殘酒為惜馨香不忍吞

○撒帳致語

伏以古來周禮定人倫洪範九疇意更深春夏秋冬分次序人
和天地定君臣四八三十三扇扇接河圖十五二百二十
七點點序三綱五常你看綉屏前才子佳人渾如金菊對
芙蓉畫堂中嬌賓賀客恰似龍虎風雲奮賀新郎的似群鴉

噪鳳美冰人的如寒鵲爭春進洞房雙龍入海戀綉幃雙蝶
戲梅亂慌慌楚漢爭鋒忙迫迫賓鴻中彈喜孜孜新郎要平
么十七點羞答答新人只斜么八不就費多少二十四氣纒
能勾天圓地方如獨龍戲珠九溪十八洞進一進雪消春水
來退一退落花紅滿地秃爪龍如蜻蜓忙點水雙脚搗如螻
蟻急撐波惟願生下小不同觀燈十五就扳龍蘇秦背劍為
公相將軍掛印滿堂紅

○撒帳詩

撒帳東 可並巫山十二峯二士入了桃源洞新人樓進錦屏
撒帳西 好似花開蝶戀枝等待漆黑一錠墨烏龍照眼珠雁脚

撒帳南 雙喜取下八珠環 輕玉閉却隔子眼 扯下二四

撒帳北 任意推班便出色 天地交泰兩和諧 管教生下孩兒

撒帳上 五枝梅花四枝放 一枝花向狀元開 結了調羹為鼎

撒帳下 十枝桃花一枝謝 櫻桃九熟正天天 浪煖桃香爭芳

撒帳前 七朵荷花兩朵鮮 二三劈破蓮蓬子 雙七解語並頭

撒帳後 九位神仙八不就 上天梯去取蟠桃 敲與君家祝眉

伏願撒帳之後 姑嫜交慶 家室攸宜 一掬瓊漿 謾說裴航之奇

遇五雙白壁 可知雍伯之陰功 縱石爛而海枯 諒天長而地

久 龜斯秩秩 麟趾振振 百歲和諧 千祥畢集

○聘親佳聯

紅葉題詩百歲姻緣同地久 笑捧鸞箋玉字金書三代

綵絲繫足千年恩愛並天長 喜開鳳匣山盟海誓千金

納采盈門敬剪天孫機上錦 萬斛珠璣先向今朝結瑞

投簪入篋煩開銀鹿担頭紅 滿堂金玉早教異日生花

種玉藍田雙璧諧百年秦晉 孔雀呈祥快覩金屏生采色

牽紅蕙室一絲結千載朱陳 文龍發瑞喜看玉樹長精華

二姓交歡媒判佳期陳雁帛 雁幣雙聯上荷千金之諾

百年配偶天緣良會合鸞箋 魚書一幅深盟百世之姻

憑柯斧之言美滿百年鸞鳳 金蘭之契謹陳雁幣以圖成

賴冰人之語結成二姓鸞姻 魚水之歡聊述鸞箋而致確

○封雞聯

伊啞數聲報道九重清曙
愍懃一意通盟百世佳期
形類九苞曾伴黃窓篤志
世稱五德已隨雁幣傳情
五彩成文卷在窓中稱德五
三鳴有道將來筐篚聘德三

○回聘聯

禮儀盛備已諧占鳳之良緣
才德兼全願覩乘龍之佳壻
從此親親合秦晉百年之契
期于世世結朱陳二姓之歡
此時真雁既堅金石之盟
異日乘龍當溢門闌之喜

○酒担聯

諳諳春和喜見紅光生六合
氤氳瑞氣願傳清味醉千杯

○奠雁聯

雁莫呈祥喜二姓姻媿繫足
鸞緘獻承慶百年鸞鳳和鳴

○成婚聯

燭影搖紅簇擁仙郎歸洞府
門簾捲翠共看玉女下瑤臺
燦爛燈花此夜鳳凰諧律呂
崢嶸頭角來年龍虎際風雲

一段姻緣人配偶由天配偶
百年諧老小登科肇大登科
花燭交輝結五百年山盟誓海
鳳鸞叫吉諧億萬載夫唱婦隨

喪禮切要

○訃書式

某號某姓老先生大人 凡下
孤哀子 某姓 某名泣血稽顙拜

先父母死則不幸於某月日捐館攀慕號絕赴愬無門仰恃親誼謹敢赴報如欲免路遥慮重罪逆益增毋勞玉趾伏乞昭察

某月某日某謹狀

○又書式 孫用

杖甚孫某泣血拜

某號某親某姓老先生大人

台下

某門祚衰薄禍屢攸鍾不幸家祖父於是月某日某時以疾

終于正寢忝在至戚敢不計聞

○報奠式

父死曰孤子母死曰哀子父母俱死曰孤哀子孤哀及泣血字百日内用百日外稱制生稱禫制生禫淡也

孤哀子某泣血拜

茲卜某月某日某時安厝先親于某所忝在至戚敢不申

聞伏乞 台鑒

○賻奠狀式

助以財貨曰賻儀助以車馬曰賻儀酒食曰奠儀

草具某物若干謹專人馳上

某官或某靈筵聊修賻儀伏惟歆納謹狀

忝眷某史踊再拜

○辭弔帖時用活套

春云東作戒期僕夫勞苦路遥屈重情何以堪免勞玉趾或云春兩泥途不任驅策屈尊遠來負罪萬萬幸勿降重至禱

夏云溽暑方嚴路遙屈重情何以堪母勞降玉益慰心下懷或云
伏暑酷烈遠勞玉趾罪何以當幸勿有勞從者至懇上
秋云秋風戒暑西成告急遠勞玉趾何以克當或云霜寒方烈
屈尊遠勞盛情何敢當此幸乞賜免

冬云冬寒凜冽屈玉遠吊下懷何安伏乞賜免至幸上 或云
雪天寒洩勞重尊駕幽明何以克當祈免賜吊不勝幸甚

○提主禮 先將木主置柩上臨提時取出即在柩上點主字以脫其魂也

贊曰 節哀 免宿提主 孝子拜賓 拜興九四 出主

提主 奉主就靈位 告主 詣讀祝位 跪讀祝文

孝子謝賓 拜興九四 舉哀 焚祝化財

○提主文

皇明某年某月某日 泣血男某

謹以香楮敢昭告于 故顯考某府君 妣某孺人神席前而言曰

形歸窀穸神返室堂神主既成伏冀 尊靈全舊從新是憑

是依謹以酒饌用伸虔告

○奉主入祠祝文

維某年某月某日孝子孫某敢昭告于高曾祖考某高曾祖妣某

曰罪逆深重禍延先人未切殞滅勉襄大事謹以是日恭奉
神主升祔祖廟並歆祭祀敬陳清酌庶饁用伸為告尚享

○新奇挽聯

華表鶴悲鳴可憐白壁完成

泮池龍已化高駕青雲路不

杜宇頻啼春盡兮滿地落花

花泣血

長庚既隕道喪矣一江綠遶

水愁眉已上五聯俱男家用

夜靜更闌紙帳梅花空有夢

簷閣風細紗窓機杼寂無聲

慈母全歸粧臺空有悲孤鶴

老天何意花甲猶教欠一齡

高隱寄壺山綠野有堂黃

靈魂歸洞府青山無主孤

老鶴去何之松隱烟花色

慈鳥泣未已空庭夜雨聲

一別忍歸公園徑黃花今已

三思疑是夢屋梁明月倍凄

萱花謝淒風堂北黃昏物色

桂花含苦雨階前白晝滴

已上三聯俱女家通用

祭禮切要

○文公祭禮

萬物本乎天地人本乎祖考故先王設郊社之禮所以酌天地覆載之德設宗廟之禮所以答祖考生成之恩者也祭禮所闕豈鮮淺哉天子諸侯亡論已第世之所謂大夫士庶者莫不有祭故春曰禴夏曰祀秋曰嘗冬曰蒸春夏秋冬各盡其禮凡以報本追遠焉耳為人後者焉可視為虛文而不加之意也

○四時致祭

司馬公曰王制大夫士有田則祭無田則薦○何休云有牲曰祭

無牲曰薦大夫牲用羔士牲特豚庶人于常牲春薦韭以卵夏薦麥以魚秋薦黍以豚冬薦稻以鴈取其物之相宜允度羞不踰牲若祭以羊則不以牛為羞也今人鮮用牲唯設庶羞而已

○祭文首尾活套

維

皇明萬曆某年歲次某某月某朔越祭日某不肖男某率頌某

氏孫某謹以剛鬣奈毛清酌庶饌匍匐致奠于吾

父某公之靈哭以文曰

入祭文云云

讀至尚饗

士庶無封諡者則以某號某親稱之

○行祭儀式

用二人唱班

執事者各司其事

主祭者就位

陪祭者

各就位

鞠躬

拜

興

拜

興

主祭者詣香案前

跪 上香

再上香

三上香

參神

執事者進酒

奠

酒 灌茅

讀哀章

至尚饗

曰舉哀

哀止

行初獻禮

執事者進酒

奠酒

進菓

奠菓

進湯

奠湯

進食

奠食

俯伏

興

平身

復位

拜

興

拜

興 主

祭詣香案前

跪

陪祭者皆跪

行亞獻禮

執事者進

酒 奠酒

進湯

奠湯

進饌

奠饌

俯伏

興 平

身 復位

拜

興

拜

興

主祭者詣香案前

跪

陪祭者皆跪

行終獻禮

執事者進酒

奠酒

進湯

奠湯 進飯

奠飯

進財

奠財

化財

焚哀章

俯

伏興 平身 復位 拜興 拜興 祭畢 退班

○子祭父文

嗚呼哀哀我父兮息極昊天胡天不恤兮命不少延使我兒輩
兮空期百年趨庭仰企兮詩禮無傳陟謁瞻望兮風木淒然
音容何適兮館舍棄捐我身無倚兮血淚如泉靈輒既駕兮
即彼九原父其此往兮窀穸長眠使我徬徨兮如狂如顛撫
膺呼號兮欲見無緣生死未訣兮千萬斯年猿鶴怨兮芳
草芊芊天長地久兮抱恨綿綿父其有靈兮鑒此芳筵嗚呼
哀哉伏惟尚饗

○子祭母文

嗚呼我母出自名門四德厥臻于歸我父早夜辛勤蒸嘗慤奉
姑嫜温存孟光比美崔姑等倫嗚呼我母生我如豚鞠我如
現教我就學望我能文丸能資苦剪髮具樽嗚呼我母婦道
可式母儀可則冊青可圖史書可刻福祉宜膺恩光宜得嗚
呼我母憶昔高堂坐樂笑語今辭何去憶昔焚香伴吾讀書
今辭何去憶昔重閣櫛髮簪簪今辭何去觀景裂情見衣碎
心恨不三釜以及余親嗚呼痛哉泣血哀奠來格來歆尚饗

○女祭父文

嗚呼痛哉我父生我訓我異我成人歸我名門筐我玄纁從我
如雲常奉母訓箕箒辛勤歸寧饋問歲時一伸何父棄我中

道而分嗚呼痛哉而今而後何以寒溫動渠繾綣奉問天恩
嗚呼痛哉生我之天形滅訓我之天汨竭何天之為天使我
之痛于心也腸裂危酒一尊追薦乎千秋之訣我父不昧來
鑒乎九原之別

○女祭母文

惟女子有適人之道而膝下無終身之期比克謹乎戒敬之訓
蓋未暇乎歸寧之儀何彼蒼之不仁使我妣之遽遠嗟殯露
之朝散信舟壑之夜移念我父我弟方既已失望使我姊我
妹方又将何為觸緒增感痛心摧隳奠桂酒兮三酌揮血淚
兮漣漣

○妻祭夫文

嗚呼我夫終身之托百年是約胡為棄我一夕殞落君有幼子
蒙養未學何忍去之虐使我之肝腸痛著負有室女姆訓未
若何忍別之確使我之血淚傾落嗚呼我夫思君之遺言兮
德音之在耳者洋洋想君之遺像兮衣裳之文身者彰彰噫
嘻噫嘻一去不去君何之在前在後我如痴地久天長情難
盡枕冷衾寒我自持卮酒滴瀝報君知君其鑒我來歆斯嗚
呼哀哉伏惟尚饗

○夫祭妻文

嗚呼宜人毓秀名門于歸於我相敬如賓宜家宜室百爾聿興

既生既育萬事足申百年夫婦齊眉共珍豈期一疾散魄飛
魂嗚呼哀哉我心獨苦恨不同木我兒徬徨願以死續何天
不可以言告命不可以力復嗚呼哀哉徒使我之神驚夢逐
徒使我之傷心淚目徒使我抱悠悠無窮之憂切茫茫如見
之歎寃哉幽明隔別死生永訣酷哉酷哉子母中分夫妻半
折石可磨兮泉可涓此情此恨終難雪敢告于靈惟靈鑒格

○父祭子文

嗚呼父死子葬乃理之常子死父葬其情可傷言之至此痛切
心腸官一命而齎壽子數歲而先傷世固有無功而祿無德
而壽者此今人所以難謀于蒼蒼崧山之高江水之長萬事

已矣歸于幽堂有肉在俎有酒在觴魂兮有知庶其來歸

○父祭女文

嗚呼汝之降生我所鍾愛汝可適人我遴擇對於歸高門家道
不寒既生既育我心則安父母愛汝期汝百年奈何一疾月
缺花殘言猶在耳死生則異我之哭汝痛徹腸肺嗟乎汝兮
夫婦之養生已不聚憐汝孤兒今亦失所我心之憂涕泣如

○弟祭兄文

嗚呼吾兄其才惟備設施大畧出人頭地嗚呼吾兄其德惟良
忠孝大節一生不忘嗚呼其名亦顯秋榜春闈海內爭羨嗚
呼吾兄其位方叢九載三遷棘寺懋功以兄之才胡施弗究

以兄之德胡報弗厚以兄之名胡壽弗長以兄之德胡祿弗昌二嫂躡踊諸孤哭泣旅襯雖還相見何日兄產既薄兄蓄亦微保艾兄後天豈無知某也不肖兄愛兄教聞訃千里空爾悲悼牲醴束香遙寄痛心兄其有靈庶幾來歆

○兄祭弟文

嗚呼吾弟遽止茲耶以君之志遠大自期以君之才無不可為宦雖進而未達位已陟而充卑奄忽若是斯其可悲高堂老母深閨孤嫠二難飲恨于終養百年應悔于結褵萬事無成一夢莫追遠訃之來報亦將信而將疑感同抱之舊誼愴涕淚之空垂聊緘辭而一奠庶少慰于遠思

○祭岳父文

維我翁之為人也清操自勵弗事卑污堅貞自立不少偏私睦鄉鄰而無忤處上下而謹呼義方教子庭訓方敷詩禮傳家貽厥孫謀豈期一旦遽爾歸殂大命近止醫不可扶爰有長夢石室是都念予半子奠祭于茲翁若有神鑒此清酌嗚呼哀哉俯伏尚饗

○祭岳母文

嗚呼鵲巢之風久矣其亡有德斯潛亦耀于鄉宜其家人母範四方耆耆而終令聞不忘某忝半子情實悲傷嗟乎紅塵杳兮路茫茫白雲去兮之何鄉涕交流兮雨滂滂有殺在俎有

父 歿 森 金 石 顧

酒在觴聖其鑒之尚饗

○祭親家文

嗚呼我公之性愷悌慈祥我公之行弘毅剛方其接人也以誠敬其持已也以端莊課若孫而出顛訓若子以超常不怍於物無愧彼蒼孝友聞于里閭仁惠著于鄉邦正期永享家慶使君壽福而康云一疾竟促慈航訃音馳報舉家徬徨嗚呼其忝葭莩之愛又聯新姻之光姻親疊疊情誼汪汪敬陳芻蕘聊寫衷腸聖其有知來格來嘗哀哉尚享

○祭親家母文

惟靈之生婦德著兮溫柔且惠忘怨惡兮賢哉主饋大克助兮

敬長恤孤宗淵譽兮既肥其家幹而裕兮振振繩繩繁而庶兮宜耆而艾何期露兮彼蒼者天莫之籲胡天不祐奪之遽兮如晝而夜抑定數兮再世婚姻嗟莫頤兮追懷感傷曷云喻兮載以清醕殽饌具兮伊禮之薄盡其索兮靈其有知幸來見兮尚饗

○祭外祖文

嗚呼惟公素履無咎賦性溫良治家勤儉律已端莊事父兄而孝敬克篤愛子姓而教養有方情孚內外義蓋鄉邦嗚呼我父忝公寵渥滄溟太行吾母公之愛女辱公扶植栢舟萱堂方期添籌於海屋云胡遽夢於黃梁嗚呼痛哉昔之沐愛也

祭外祖母文

汪汪今之涕泗也洋洋天地有盡悲恨未央沃酒靈前割我肺腸尚享

○祭外祖母文

嗚呼孺人玉潤之秀德門之姜相吾祖兮朽貫陳糧撫吾舅兮桂馥蘭芳教吾母兮勤儉端莊愛外孫兮珠玉琳瑯嗚呼吾父忝半子之列既事母之日短尚冀其等佩先人之訓或事母之日長云胡瑤池召宴夢熟黃梁嗚呼痛哉月沉晉耀蘭萎猶香孺人往矣令名無疆其等叨叨寵渥瞻象悲傷忍聞猿鶴涕泪汪洋潔清卮以一奠庶哀慕之是將靈其不泯來格來嘗

○祭母舅文

嗚呼哀哉吾母之黨獨吾舅存骨肉之情豈惟似人壯別天關晚歸玉門聚散忻戚餘三十春今忽棄我吾疇與親哭不憑棺塋不繞墳寧我熱心我疾在身公則諒我九泉有聞曷以慰公視我致文一奠而訣哀胡可云嗚呼哀哉

○祭母姪文

嗟嗟母姪坤稟天然淑柔慎行活靜寡言治家勤儉孰及待人和易誰先敬母舅如賓而齊脊舉案愛表兄若寶而盡意和丸待吾父吾母情協始終不替視甥舅甥女恩同覆冒無偏守閨中之規矩為婦中之賢良正擬享年於百世豈期遽夢

祭母文

於九原幽明永訣涕淚漣漣靈其不昧降監誠虔尚享

○歲時祝文

香大祠堂祭用

維某年某歲終某敬修歲事敢昭告于故祖妣某前而言曰歲律將更時維季冬追感歲事不勝永慕謹潔牲醴采庶品祇薦歲事伏惟尚享

○清明祭文

維皇祖考德厚流光水木本源云胡可忘茲逢葭灰爰潔豆觴拜省丘墓禮則有常子孫羅列孝思是將神其垂祐百世永昌謹告

○分闋書式

且夫創業垂統者父作之仁而光前裕後者子述之孝故張公藝九世同居歷朝旌表而田真兄弟感荆復茂友愛允隆追念吾父母之治家也晝夜營謀勤儉是務家業昌盛生男幾人某名娶某氏各婚配已訖父母不幸棄世茲因人衆事繁難以總理是以和同商議邀請親族將祖與父續置屋宇地基田產財物等項品搭均分禱神拈闈為定無得爭長競短一以全人子之孝一以全兄弟之義然於異居之後俱隨業充差務使兄友弟恭不可以強欺懦嗜利忘義凡有物件亦相看晉同氣之情豈得以路人相視今闋書憑衆寫立幾扇一様各執一扇以為子孫世守之計如有爭競執此闋書赴

言明究今欲有憑敬立開書未執為照

○賣田契

某里某人承祖置有^{早晚}田幾段坐落地名某處原計若干種年
供米若干桶鄉即目東至^{某宅}田西至^{某宅}南至^{某宅}北至^{某宅}
田為界已上俱出四至分明今來不成次業情愿托得知識
人某為中將前項界至內田出賣與某里某人邊為業當日
三面言議時值價銀若干兩正自立契書之日一應交領足
訖不欠分厘自賣之後請買主一仍前去管業所賣其田的
係承祖置下產業與內外親房伯叔兄弟侄人等各無干涉
亦無重複典當准折債負之類此係正行交易甘愿自賣其

衡

田該載產米若干逐年津貼糧役與出產人了納糧差候在
大造黃冊之年自用收割產畝入戶當差不致留難向後再
無異說執占之理今欲有憑敬立契書為照

○典田契

某里某境人某名有已分^官田幾段該若干畝坐落某處載米
若干四至明開在後為因無銀用度托中引就某宅三面言
議實典紋銀若干兩正其銀即日交足其田聽從銀主管掌
召佃收租言約銀無利息其田交租至某年為率備銀照契
贖回如是無銀仍聽銀主收租倘未及期取贖約罰銀若干
此係兩願各無反悔其糧米約應期理納銀若干不得留難

衡 衡 衡

今恐母憑立此典契為照

○買屋契

某都某箇某人承租置有房屋一所坐落本都地名某處計開房屋幾棟幾植幾間其屋東至某西至某南至某北至某為界已上俱出四至明白今來不成以業自愿托到某人為中將上項四至界內房屋上連瓦蓋下連地基門窗戶扇一任完全寸土木石不致損折出賣與某里某人名下為業當即三面言定時值價銀若干兩正歸身應用成契之日一應交足不欠分厘自賣之後得業人一任前去照管住宿所賣其屋的係自己分定物業與內外親族兄弟人等並無干涉亦

重復執占典賣之理所買所賣二意情愿故無相逼今欲有憑立此文契為照

○典屋契

某里某境人某為因無銀用度愿將祖遺房屋若干間四至另開于後托中引就某處某宅典出細絲銀若干兩正其房聽從銀主擇日搬住言約房無租稅銀無利息至某年為期倘銀照契取贖至期無銀本房仍舊居住如未及期取贖約罰銀若干其房的係應分之業並不曾重疊外人交加不明等事如有此色出自出典人承當不涉銀主之事今欲有憑立契存照

○雇脚夫契

某處脚夫姓某名某今承攬到某處客人貨物行李若干挑送至某處地頭交卸議定每担工食銀若干當日先付若干餘者到地頭完足自上路後一心看管貨物如有損失俱係本人承當如脚夫密走俱是保人跟尋賠還今恐無憑立約存照

○船戶河交

某處船戶姓某今得某人保委就某處河次將自己船隻攬載得某人貨并行李計幾載至某處河下交卸議定每担水脚銀若干餘銀沿路批借候載到地頭結算湊足所載債物須

管小心不許上漏下濕或遇盤灘剝淺如有疎虞俱是船戶認包賠今恐無憑立此河交為照

○買牛契

某都某人今將家欄黃牯黑牯牛一頭見現年幾齒四蹄頭尾俱全憑中賣與某人耕作三面商議實值時價銀若干立契之日一併交足其牛好友買主自見如有來路不明賣主支當不干買主之事今恐母憑立契存照

○買馬契

某處某人今有某色馬一疋見年幾歲憑牙說合出賣與某處某人蓄養當議時值紋銀若干其銀隨契交足其馬好友買

主自見如有來歷不明賣主自認抵當不涉買主之事今恐
母慮立契為憑

○買養男契

某里_某境_某人有親生男子立名_某年登_幾歲為因家貧日食
無措_{或云無}托中引到_某宅得耐勞銀_{若干}立契之日一併
交足本男即聽銀主撫養成人與伊婚娶終身使用務要勤
謹不敢躲懶走閃如有此情_某人當跟尋送還倘風水不虞
此係已命與銀主無干本男的係親生並無重疊交加來歷
不明等事有則_某人自管明白亦不干買主之事今欲有憑
立立文契及本男手印一併付銀主為照

○買養女契

某處_某人有親生女子立名_某年登_幾歲為因日食無措自願
托媒_某人引致_某宅賣為養女當日受得絲銀若干兩訖本
女聽從銀主撫養至長大之時議配成人終身使用本女的
係_某親生並不會受人財禮及典掛交加來歷不明等事如
有此情_某自承當不涉銀主之事倘有風水不虞此是已命
與銀主無干今欲有憑故立賣契及本女手印一併為照

○立學約

伏以一卷之書必立師宜弘開于絳帳十室之邑必有好故大
召於青衿既濟濟而能來當循循而善誘大則修齊治平之

道小則洒掃應對之方和靜觀梅且約歲寒而共守只剛折
桂佇看秋色以平分凡在同盟請題芳字

○又

伏以立館招書生敢效韓公之大學讀書破萬卷頌同杜老之
少年固知患好為人師亦曰以文會友蓋亦無長無少但當
有教有才終日辛勤且向雞窓之灯火他時際會即搏鵬鷲
之風雲道重丘山盟鑿金石

○地方禁約

朝廷有法律鄉黨有禁條法律維持天下禁條嚴束一方分有
公私事無緩急每年鄉禁雖設恨貪者以利散懦者以勢敗
卒致禁令毀施習俗益裂人畜方相為害不暇悉數茲者某
等目擊斯禍風俗日偷世德愈下居民受害深為未便為此
置酒會衆寫立禁條以儆後患凡有犯者與衆共罰亡之不
服會衆呈之但不許避嫌容隱受錢賣放又不得欺善畏惡
挾仇排陷一有如此天日鑒之神雷擊之同盟之輩一公罔
私禁令自此修明人心自此改革上下相安道德一而風俗
同矣是在吾輩所自勉也

○墳山禁約

蓋萬物本乎天人本乎祖是墳山之柴木庇蔭猶祖宗之神靈
赫奕也故墳山之薪木榮則祖宗之神靈安

則子孫之福祥應今^其等有墳山一片坐落^其處屢被鼠目寸光小人利己害人^{不顧}廉耻不時偷伐弗思驚動祖墳人口多災是戕山木^以戕祖宗戕祖宗即所以戕身家矣利害皎然如此人^{不知}重乎予輩目擊斯弊痛思無奈只得嚴設一禁凡係公衆墳山各處不一再有仍前盜砍者捉獲不拘內外人民會集族衆拘究重則告官懲治輕則伐銀^醮謝墳墓使彼幡然有改曰所得者小所失者大而今而後吾知免夫如是則物得所養墳得所安自然災害不生福祥自致而民俗不益厚乎咨爾同盟守此禁約堅如金石信若四時毋隱毋縱斯不負於所舉者

○禁盜田園瓜果蔬菜蔬井物約

^其保為禁約事切照本保民居四散業在田園蔬菜等物四時栽種于中預備急濟日食方今菜菓成熟不一因家窻遠巡顧不周却被遠近居民鼠竊狗偷之輩輒起貪心擅入田園之中採取蔬菜等物以為已有甚干強徒擾掠鄉村無不受害此雖圖一時之小利以頤口腹之所歆然損物害民不仁孰甚理合給約通禁俱各洗心滌慮中間再有如前偷盜不悛者即許被害之人緝捕擒拿赴^官從公審治仍罰^其物若^干入于^其處充會以禁其餘的不虛示頌至約者

○佃田文約

某里某人置有^{早晚}田幾段坐落某里某處原計田若干連田該
苗米若干桶鄉原有四至分明今憑某人作保引進某人出
價紋銀若干當日交收足訖明白自給曆頭之後任佃人自
用前去管業小心耕作亦不得賣失界至移坵換段之類如
遇秋冬成備辦一色好穀若干挑送本主倉廩交納不致拖
欠不限年月佃人不願耕作將還業主接取前銀兩相交付
不致留難今給曆頭一紙付與執照

○賣田吐退

某都某圖立吐退人某今為無銀使用情願將民田一段大小
幾坵計原額租幾桶幾斗其田坐落土名某處自今取東止

某人田西止某人田南止某人田北止某人田為界今將四
止內田憑中說合出賣與某人近前承買當日三面言議時
值價紋銀若干立契之日價業兩相交付係是一色現銀並
非準折生債之類所退其田係某人自己物業與親房內外人
等並無干涉亦無重疊典當交易如有來路不明出賣人自
官明白不干承買人之事一定之後各不許悔如有悔者抽
罰價銀一半與不悔人用所退所承二比情愿故母公私相
逼恐後無憑立此吐退為照

○傭工議帖

某里某境某人為無生活情愿將身出雇與某里某境某人

耕田一年憑中議定工資銀若干約朝夕勤謹照管田地
不得閑戲主家各色動用器盃不致疎失其銀約四季支取
不缺如有風水不虞此係已入米干主家之事今恐母憑立
此為照

○錢糧收帖

某都某苗糧長某今收到本都某圖某甲排年戶首某戶丁某
名下官米若干及甲下虛荒或有無丁口一應照則收完恐
後母憑立此收帖為照

四卷大尾

萬曆己酉孟秋
月余氏熙字梓

萬曆己酉孟秋
月余氏熙字梓

